

Yungzanh: Eu Fwen Baij Gwnz-vangj Angq Coux “Ngeihcib Daih”

融安：线上展演山歌喜迎“二十大”

3 nyied 24 hauh, youq Yungzanh Yen Yajyauz Yangh Canghgouj Cunh Mbanjsihguboh, gyoengqvunz siujsoq minzcuz daenj ndangdaenj ndei, eu fwen haenh aencingz Dangj baij coq gwnzvangj hawj vunzbiengz yawj, guhneix lwnh vunzlai rox ciuqhengz gij cingsaenz Cibgouj Daih Dangj, sonyinx vunzlai gyo' mbaiq Dangj, caiq hawj vunzlai cungj nyinhrox Cunghvaz Minzcuz caemh ranz ndeu, angq coux “Ngeihcib Daih” Dangj. Ndawdoz dwg gyoengqvunz dangdieg eu fwen haenh aencingz Dangj.

(Danz Gaijhingh/谭凯兴)



Sanhgyangh: Soengq Doenghyiengh Coengh Guhhoengh Lajmbanj

三江：爱心捐赠助力乡村振兴

3 nyied 25 hauh, Cezgyangh Swngj Gyahhingh Si Lanzyij Gijmung Coenghhag Cienhangh Gihginh soengq le buek doenghyiengh ndeu hawj Sanhgyangh Duncuz Swciyen Yangzhih Yangh Liengzbeiz Siujyoz, buek doenghyiengh neix miz daehsaw, fagbeiz, gyaqsaw daengj, gungh dij 5 fanh lai maenz; baenzneix guh couh ok rengz hawj yienghsiengq caeuq gaiqyungn ndaw hagdangz lajmbanj lai ndei.

(Liengz Siumingz/梁秀明 Lij Haijdi/李海弟)

Denzyangz: Hawj Lingzyenz Lai Heu

田阳：为陵园添绿色

3 nyied 23 hauh, gyoengqvunz Bwzswz Si Denzyangz Gih Duiyiz Ginhyinz Swvugiz daengz Nazboh Cin Gwzming Lezsw Gijenbeihyenz guh hozdung ngoenz-dangj “hawj lingzyenz lai heu”. Youq gyangciengz guh hozdung, gyoengq dangjyenz ganbu ndaem gocoengbek, cawz gorum, baet mbawloenq daengj, hawj lingzyenz lai heu lai seuq, yienghsiengq lai ndei. Ndawdoz dwg gyoengqde ndaem coengbek.

(Vangz Gozsun/黄国顺 Liengz Cinzyij/梁晨宇)



Yougyangh Gih: Hag Leiz Fungh Ndaem Faex Hawj Hagdangz Lai Ndeiyawj

右江区：学雷锋植树美校园

3 nyied 25 hauh, Bwzswz Si Yougyangh Gih Binhgyangh Siujyoz rox youq ndwen hag Leiz Fungh caeuq ciet ndaem faex ca seizndei guhsaeh, guh hozdung mizyinx youq ndaw hagdangz ndaem faex. Ndawdoz dwg gyoengq lauxsae caeuq hagseng doxgap ndaem faex.

(Lanz Yauj/蓝晓)

